



Sud Bosne i Hercegovine
Суд Босне и Херцеговине

Broj: S1 3 Iž 038437 20 Iž
Sarajevo, 27.10.2020.godine

Sud Bosne i Hercegovine u Sarajevu, u Apelacionom upravnom vijeću, sastavljenom od sudija Mirsade Džindo, kao predsjednika vijeća, Zvezdane Antonović i Srete Crnjaka, kao članova vijeća, odlučujući o žalbi Tursunović Elvedina, 705 SE Jonas CIR, Waukee, IA 50263, Iowa, USA, izjavljenoj protiv odluke Centralne izborne komisije Bosne i Hercegovine, broj: 05-1-07-1-998/20 od 01.10.2020.godine, u nejavnoj sjednici, održanoj dana 27.10.2020.godine, donio je

R J E Š E N J E

Žalba se odbija

O b r a z l o Ź e n j e

Odlukom Centralne izborne komisije Bosne i Hercegovine, broj i datum navedeni u uvodu, podnosiocu žalbe odbijen je upis u izvod iz Centralnog biračkog spiska za glasanje izvan BiH za Lokalne izbore 2020. godine, za ukupno 27.960 birača po prijavama podnesenim do 01.09.2020.godine iz razloga što žalitelj nije upisan u Centralni birački spisak.

Žalitelj je blagovremeno uložio žalbu na pobijanu odluku navodeći da mu je pobijanom odlukom uskraćeno biračko pravo, odnosno pravo na upis u Centralni birački spisak za glasanje izvan BiH. Ističe da je predao valjanu prijavu, a kao dokaz dostavlja potvrdu da je poslao prijavu sa pratećom dokumentacijom.

Centralna izborna komisija Bosne i Hercegovine dostavila je ovom sudu odgovor na žalbu u kao nedopuštena odnosno da se žalba odbije kao neosnovana.

Ispitujući ožalbenu odluku u okviru žalbenih navoda vijeće je zaključilo da žalba nije osnovana.

Prema stanju u spisu ovo vijeće konstatuje da je CIK BiH, prije donošenja ožalbene odluke, a prilikom razmatranja prijave žaliteljice Ištuk Roske za glasanje izvan BiH-Lokalni izbori 2020.godine koja je dostavljena dana 16.06.2020.godine putem e-mail adrese ramiz.bosna@hotmail.com utvrdila da je žalitelj uz navedenu prijavu dostavio kopiju vozačke dozvole izdate u Iowa, USA i uvjerenje o državljanstvu BiH, koji nije validan identifikacioni dokument u smislu člana 5.12 stav 4. Izbornog zakona BiH.

Dalje je utvrđeno da žalitelj nije upisan u Centralni birački spisak, niti se nalazi u bazi podataka sačinjenoj prema popisu stanovništva u Bosni i Hercegovini iz 1991.godine.

Odredbom člana 20.8 stav 5 Izbornog zakona BiH je propisano da sve dok Visoki predstavnik ili Parlamentarna skupština BiH ne odluče drugačije, a u skladu sa stavom 7. navedenog člana, državljanin BiH koji ima status izbjeglog lica i koji ima biračko pravo, ima pravo da se upiše u Centralni birački spisak i da glasa lično ili poštom za općinu u kojoj je imao prebivalište prema posljednjem popisu stanovništva koji je izvršila država BiH, osim u slučaju kada to lice može predočiti dokaz o promjeni prebivališta u skladu sa zakonom u periodu od posljednjeg popisa stanovništva koji je izvršila država BiH do trenutka kada je stekao status izbjeglog lica. Stavom 6. istog člana propisano je da državljanin BiH koji ima status izbjeglog lica i ima biračko pravo u skladu sa ovim članom, bit će registrovan u izvod iz Centralnog biračkog spiska za općinu u kojoj je imao prebivalište prema posljednjem popisu stanovništva koji je izvršila država BiH.

Izrada izvoda iz Centralnog biračkog spiska za birače koji glasaju izvan BiH, prema odredbi člana 3.6 stav 4. Izbornog zakona BiH, vrši se na osnovu podataka koje ima Centralna izborna komisija BiH i podataka koje dostavljaju građani koji glasaju izvan BiH.

Odredbom člana 1.4 Izbornog zakona BiH je propisano da svaki državljanin BiH sa navršenih 18 godina života ima pravo da glasa i da bude birana, u skladu sa odredbama ovog zakona. Da bi ostvario svoje biračko pravo, državljanin BiH mora biti upisan u Centralni birački spisak, u skladu sa ovim zakonom.

Kako žalitelj nije upisan u Centralni birački spisak, niti se nalazi u bazi podataka sačinjenoj prema popisu stanovništva u BiH iz 1991.godine, to i pored činjenice da je uz prijavu dostavio dokaz o identitetu-kopiju vozačke dozvole i dokaz o državljanstvu BiH, da bi bio upisan u izvod iz Centralnog biračkog spiska za glasanje izvan BiH, bio je dužan da dostavi i valjan dokaz o prebivalištu-ličnu kartu izdatu u BiH ili potvrdu o prebivalištu, što isti nije učinio, pa je stoga CIK BiH pravilno odbola njegovu prijavu .

Žalitelj je mogao putem info linije CIK BiH da se informiše o statusu njegove prijave za glasanje izvan BiH i na taj način otkloni nedostatak koji se ogleda u činjenici da nije dostavio dokaz o prebivalištu u BiH.

Iz navedenih razloga Apelaciono upravno vijeće ovog suda nalazi da je pobijana odluka Centralne izborne komisije Bosne i Hercegovine pravilna i zakonita a žalba neosnovana, pa je istu primjenom odredbe člana 81. stav 1. druga rečenica, Zakona o upravnim sporovima Bosne i Hercegovine („Službeni glasnik BiH“ broj 19/02 do 74/10) valjalo odbiti.

Predsjednik vijeća
S u d i j a
Mirsada Džindo

